

centrum terræ , æquinoctialis & poli terræ , propter talem axis terræ inclinationem , & stellati orbis immensitatem ad easdem mundi partes semper fermè respiciant , quod fiet , si quantum terræ centrum ab orbe magno in consequentia ducatur , tantum axis terræ extremitates , qui poli terræ singulis diebus ferè in antecedētia procedere intelligatur , circa axem & polos , axi & polis orbis magni , aut eclipticæ æquidistantes , circulos paruos describen-
do . His autem motibus , vbi ex D. Præceptoris mei sententia bi-
nas polorum terræ librationes , duos item motus , quibus centrum orbis magni æquali & differenti motu sub ecliptica incedit , adie-
cerimus , cum his , quæ superiùs de Lunæ motibus circa terræ cen-
trum dicta sunt , habebimus , doctissime D. Schonere , quæ sit ve-
ra hypothesum ratio , ad totam doctrinam , quam Primi motus Recentiores vocant , quamque de omnimodiis stellatæ sphæræ motibus habemus , deducendam , & causas eorum assignandas , quæ circa Solis Lunæque motus & passiones in bis mille annis iam transactis , diligentibus Artificum obseruationibus contigisse est animaduersum , ut sanè , quod postea vberiùs dicendum erit , silentio prætereamus , quòd nimirum Orbis Magni motus appa-
rentias in reliquis quinque planetis ingerat . Tam paucis , & ceu in uno orbe , tanta rerum doctrina comprehenditur . In primi motus doctrina nihil venit mutandum , quæ enim est proprietas eorum , quæ sunt ad inuicem , maxima declinatione constituta , eadem ratione inuestigabuntur reliquarum etiam partium eclipti-
cæ declinationes , ascensiones rectæ , in toto terrarum orbe vmbiarum , & gnomonum ratio , dierum quantitates , ascensiones obliquæ , stellarum ortus & occasus , &c. Hoc tamen inter has , & Veterum hypotheses interest , quòd in illis contrà ac à Veteribus præscriptum est , stellato in orbe præter eclipticam , nullus circu-
lus imaginatione propriè describatur . Reliqui verò , ut sunt æqui-
noctialis , duo tropici , arctici & antractici , Horizontes , meridiani , omnesq; alij ad doctrinam primi motus pertinentes circuli , vertica-
les , altitudinem , paralleli , coluri , &c. in terræ globo propriè desig-
nantur , & per relationem quandam in cœlum referuntur . Eorum autem , quæ circa Solem apparèt , præter apparentiam diurnæ circa terram revolutionis , quam cum omnibus stellis , & planetis reliquis

<sup>4. Accedit
motus , qui
binis polorum
liberationibus</sup>

<sup>Hypotheses
Copernici cū
vulgaribus ,
in Motus</sup>

<sup>primi doctri-
na conueni-
unt.</sup>

<sup>Præter Ecli-
pticam , reli-
qui circuli
primi motus
propriè inter-
ra , secundari
in cœlo de-
scribuntur .</sup>